



KERATAN AKHBAR

SURAT KHABAR	:	BERITA HARIAN		
TARIKH	:	18/10/2019	MUKA SURAT	: 29
JABATAN	:	PERHILITAN		
KLASIFIKASI	:	<b>PERHATIAN</b>		



Kerja menaikkan gajah liar betina ke atas lori dibantu Abot dan Rambai di FELDA Kahang Barat, kelmarin.  
(Foto Ihsan PERHILITAN)

## 2 gajah dipindah ke Taman Negara Endau-Rompin

**Kluang:** Dua gajah liar betina yang sering menceroboh ladang kelapa sawit serta penempatan penduduk di sini sejak beberapa bulan lalu, dipindahkan ke kawasan Taman Negara Endau-Rompin kelmarin.

Pengarah Jabatan Perlindungan Hidupan Liar dan Taman Negara (PERHILITAN) Johor, Saliman Saaban, berkata gajah terabit ditangkap masing-masing pada jam 1.15 serta 1.30 tengah hari Sabtu lalu di Hutan Simpan Kluang.

Beliau berkata, kedua-dua gajah itu dikesan sering menimbulkan konflik dengan manusia di sekitar kampung Iham, Sri Timur, Shaari, Taman Sri Impian, FELDA Kahang Timur, Kahang Barat, FELDA Ulu Dengang dan kawasan sekitarnya.

"Operasi pemindahan itu dilakukan 23 kakitangan PERHILITAN Johor dan Pusat Konservasi Gajah Kebangsaan (PKGK) Kuala Gandah, Pahang, dengan bantuan dua gajah denak, Abot serta Rambai.

"Proses menarik semua gajah ditangkap, bermula kira-kira jam 10.30 pagi dan selesai dinaikkan ke atas lori pada jam 1 tengah hari semalam (kelmarin) sebelum dihantar ke lokasi baharu, malam tadi (kelmarin)," katanya dalam satu kenyataan, di sini, semalam.

Salman berkata, kedua-dua gajah berusia lima dan enam tahun dengan saiz tapak kaki hadapan berukuran kira-kira 10 inci itu berada dalam keadaan sihat serta aktif.